

## Plenchi

### Bèl a bati

Bon bini riba Plenchi. TRINGG TRINGGG bèlèm..... TRINGG TRINGGG bèlèm.....bin kompañá nos pa nos por enterkambiá den un ambiente positivo i inspirativo. Ta siman di kultura. Skolnan a selebré en grande. Hopi aktivitat pa nan por a skohe pa asina laga nos hóbennan eksperenshá nos kultura. Den tur esaki nos meser kòrda si kiko ta kultura. No ta un siman pa kome, balia i gosa so. Ta un siman pa nos para ketu na kustumbernan mará na nos Kòrsou. Kon nos ta biba ku otro, anda ku otro. Bo a kumindá bo ser kerí ku kariño awe mainta. Bo a bendishoná bo sernan kerí prome nan sali kas? Kon ta ku e “bon dia” ora bo yega kualke lugá. Òf mainta ora bo lanta na kas. E despensá ta sali ainda for di bo boka? Mi stimabu ta zona mas tantu ku e palabranan di ofensá. Biba nos kultura kier men pa nos promové loke ta bon i disidi kada bes kua kustumber ta malu pa asina nos eliminá nan for di nos bida i vokabulario. E ta konta pa tur kos ku ta hasi daño na abo òf na otro. Biba nos kutura kier men ku nos no ta hasi kosnan pasó nos a mira un otro hasie, pero nos ta evaluá kada bes pa wak kon nos por mehorá. Kultura no ta nos herensia sin mas. Hasta herensha bo por ninga si bo mira e ta bon pa bo. No kome kokada si bo ta diabetiko, maske e ta nos bokadushi kultural. Evaluá i sea konsiente ku tin masha posibilidat den bida. Pero ta abo ta skohe. Evaluá bo manera di komportá i biba riba nos isla i disidí pa bo mes ku bo mester mehorá. Kultura ta tota, turismo ta brota. Korsou ban selebrá e kosnan bon.

### Riba roster

#### Kalor

E kalor a baha un poko, danki Dios. E kódigo hel a kita i nos ta spera ku poko poko nos por bai na mira un cambio den temperatura. Tabata sofokante. Nos ta mira tambe ku e aktivitatnan a baha poko i no tin nada nobo ta menasa den nos region. Nos ta spera ku e oktober lo ta menos aktivo ku september tabata den nos region pa loke ta tormenta. Un kos ta sigur nos a mira diferente fenomeno ku a spanta mundu e luna tras di lomba. Temblor, orkan feros, laman ku ta hala bai. Esakinan tur ta pa mustra nos kon serio kosnan ta kambiando na mundo riba tereno klimatológiko.

## **Not'é riba bòrchi**

**Na kantor nos di RK tambe a habri siman di kultura ku masha ambiente. Danki sr. Welvaart ku a tene bunita charla tokante benefisionan di tamarein pa nos salu. Tremendo informashon i nos a keda henter siman den tema di tamarein.**



## **Den agènda**

### **Liber di skol:**

**9 oktober pa 13 oktober**

### **Dia speshal**

**5 oktober dia di dosente**

**10 oktober dia Pais Korsou**

## Riba rapòrt

Kultura ta tota, Turismo ta brota, hinter famia di St. Antonius tambe ta selebrá ku nos bailenan klásiko i tradishonal! Danki na e dosentenan di Art Matters/ Dance and More Curacao pa duna tayer di baile na nos alumnonan di grupo 8



## Mi ta konta



## Un prenci

Kolegio Herman Joseph a selebrá siman di kultura ku bon ambiente i aktividatnan edukativo.





**Radulphus College tambe a briya den e siman di kultura.**



**Mucha djispou**

**Mener: “Roberto kua ta bo berdura preferí?”**

**Roberto: “brókoli**

**Mener:”spèl e pa mi”**

**Roberto: “No mener mi ta preferá kolo”.**